

Tur Lora ta parce di a adapta nan mes rapido na naturalesa



ORANJESTAD (AAN): pa bula rond riba Aruba. E siman aki, DIARIO a nota cu Fundacion Parke Nacional Aruba (FPNA) a comparti algun update masha exitante tocante e Yellow-Shouldered Amazon, of e 'Lora' cu recien a wordo laga liber

E Loranen cu a ser reintroduci na Aruba ta floreciendo den nan habitat natural den Parke Nacional Arikok. Akinan tin e updatenan di mas recien: (*) Nan ta bibando segun nan instinto natural -

adaptando na come mata di yuwana, cadushi y boonchi di e mata di hubada. (*) Nan ta expandiendo nan halanan mas y asina explore areanan nobo den parke y pafo di parke - asina mustrandonan confianza den nan mesun

instinto natural.

(*) Mientras nan ta adapta na nan estilo salvahe, nan costumber cu presencia di hende ta kita y tambe e dependencia di alimentacion di Park Rangers.

(*) Nan ta mas alerta na peliger y ta comunica cu otro door di un 'prrrrrr' suave cu ta significa cu mester ta atento pa cualkier menaza y ta para keto keto manera estatua.

(*) Cu nan comportacion desaroya nan a bandona e costumber malo di come for di vloer mane galiña y awo ta busca nan cuminda den diferente matanan.

Pueblo ta ser roga pa ban yuda preserva e Lora pa asina nos por goza di nan bunitesa door di sigui e siguiente guianan efectivo. Pues atene bo mes na

reglanan:

- Tene bo distancia y no interactua cu nan
- Respeta nan y mantene bo distancia y mantene pushi y cacho tambe na un distancia
- No cria ni purba capturanan. Esaki lo viola e ley cu ta proteha nan

Si bo encontra un Lora cu ta marka cu un of dos renchi (di color) na nan pia, raporta esaki via WhatsApp cu e dia/tempo, localidad, cantidad di Lora y color di renchi na FPNA su Wildlife Hotline via WhatsApp na +297 592-4476 of manda email: info@arubanationalpark.org Hunto nos por tuma accion pa segura e proteccion y preservacion di nos parhanan nativo pa futuro generacionnan por goza di dje.